

فولک

اتحاد محمدی جمعیتک مروج افکاریدر

صاحب و مدیر مسئولی
قبریسلی درویش وحدتی
امور تحریریه ایچون مدیر مسئوله
مراجعت اولنور

آدره سی :
میرباتانده ساقی بک مطبعه سی

ایکون قسیمی
مملکت عثمانیه ایله بلغارستان بوسنه
هرساک مصر ، قبریس
وکرید ایچون
سنه لک ۱۲۰ آلتی آیلغی ۷۰
غروشدر
استانبول ایچون سنه لکی ۱۰۸
غروش

۱۴ صفر ۱۳۲۷ جمعه ایرتسی ۲۱ شباط ۱۳۲۴ ۵ مارت ۱۹۰۹

مشروطیتده کوز بویامق اوله ماز

۱۳ شباط سنه ۳۲۴ تاریخندبریدر
طبوعاته برابر ملت قیامتق قویارمش ایکن
کنجی برتبلیغده « اجتماعات حقنده ۱۳ شباط
سنه ۳۲۴ تاریخینده نشر اولنان تبلیغ رسمی ده
جتماعدن لاقول یکریمی درت ساعت اول ضابطه
اجعتله برورقه رسمیه استحصالی لزومنه
أر مندرج اولان فقره نك بمضرنجه اجتماع
ایچون ضابطه دن رخصت الیه جفی ذهابی !
ولیدایتمش اولدینی اکلایشیلوب ! حالبوکه !
نفسده ضابطه یه قارشی اثباته مدار اوله جق
برورقه رسمیه اخذندن عبارت اولدیغندن
بضاح ! کیفیت اولنور « دینلیور .
غالباصدراعظم - داخلیه ناظری ایوبروارطه
ساسته دوشمش اولدیغنی حس ایتمش اولمایدرکه :
رق کلمه لر اوزرنده اوینایه رق ، ملتک کوزینی
ویامق ایستیور . برکره شو ایکنیجی تبلیغک
ولکندن ده مستبدانه ، دهاطو لامباجلی ،
ولسنه ، باقلیرسه ملتک عقلی برشی کسمدیکه
حکم اولنهرق میدان کلدیکی آکلایشیلور .
تبلیغده اوله : اجتماع لفظنک شامل اولدینی
نساک کافه سی می ؟ هانکی بر اجتماع اولدینی
بضاح اولنق لازمکلیرکه : بوجهت هیچ نظر اعتباره
نادی .

ثانیاً ، ضابطه دن برورقه رسمیه اخذ

ایتمک ، رخصت مناسنه کلز ایش . یالکز
ضابطه یه اخبار کیفیت ایدلیدکنه دائر اثباته
مدار اوله جق برورقه ایش .

ای یالکز حسین حامی پاشادن عبارت اولان
قاینه ! بونه ایشدر . بونصل تبلیغ رسمیدر ! بلدیهدن
وسائر طرفلردن النان رخصتنامه لر ، ایجابی
حالنده انشاآت ویا آو اولامق خصوصنده
مأمورین مخصوصه سی تصادف ایتدکجه اصحابی
یدلرنده بولنسان تذکرملردن ، بوسرک ضابطه
تذکره سنک هیچ فرقی وارمی ؟

تذکره سنر ، انشاآت ، ویا آو اولامق
نظاماً ممنوع اولدیغندن مرجعلری اولیه بر
تذکره یی ویرمک ایچون ، اصحاب مراجعتدن
اجرت آلییور . سزک بویکی معامله کنر ایچون ،
اجرت آلق حقکنر اولدیغندن ضابطه نك بو
بابده ویره جکی تذاکره ، حسیدرکه : اولکیلردن
فرقی یالکز اجرتسنر اولمسنددر . یوقسه
ماهیت اعتباریه بربرندن فرقی یوقدر .

ضابطه نك اولیه بر تذکره ویرمسی جهته
کنجه : اولیه بر تذکره یی ویره جک اولانلرک
کافه سنک مسئول اولمسی لازم کلور .

چونکه قانون اساسی موجبجه هیچ بر
مأمور قانونسنر ویریلان امری اجرا ایتمک
مجبور دکلدیر . اجرا ایدرسه مسئولدر .

اوحالده بر صدراعظم - داخلیه ناظری

وسائر ، مادونلری اولانلره قانونسنر اوله رق
امرلر ویرییور ، و مادونلری ده اطاعت ایتمک
لازمکلیرکن ، اطاعته مجبور ایدیله جکیر ، دیمک
اولیور .

ای حکومت مستبده ! امین اولکزرکه :
مشروطیتله اداره اولنان مملکتلرده قانونسنر
اوله رق برامپراطور ، اک کوچوک بر مأموره ،
بر نقطه بیله قویدیره ماز . مملکتمزده مشرو-
طیت وارسه ، یا قاینه بلا توقف تکرلنلی ،
یاخود استبدادله اداره اولنیورسه ق ، بزه خبر
ویرمی . البته بزده باشمزه برچاره بولورز .

بو ایکنیجی تبلیغ بتون بتون ملتی آلد-
تمقدر . حالبوکه : مشروطیتده کوز بویامق
اوله ماز .

ای مبعوثان ! نه اولیورسکنر ! ایشته
مشروطیه اک بیوک بر ضربه ! هانیا او ، بر
قاج کون اولکی ، مشروطیه تجاوز اولندی
دیه ایدیلا فریادلر ! زرده قالدی اودعالر ،
یا صدراعظمندن استیضاح ایتمی ، یاخود اولیه
آیاق پاتیرتیلرینی بر اقلی ، زیرا ملت استبدادله
یاشایه جق اولدقدن صکره قره کچیلی خانداننه
بیون اکمی البته ده اهن بولور .

وحدتی

